

اداره خانه

باب عالی جاده سنده دائره مخصوصه

آبونه شرائطی

ممالك عثمانیه ده سنه لکی (۶۵)، التي
آیلغی (۴۵) غروشدرد. ممالك اجنبیه ده
سنه لکی (۱۷)، آلتی آیلغی (۹) قرانقدرد.
[ایضاحات: نسخه سی الی پاره، آلتی
آیلغی بر جلد، هر جلد ۲۶ نسخه در.]

اخطارات

§ آبونه بدلی پشیندرد.
§ آدرس تبدیلنده قرق پاره لک
پول کوندرملی در.
§ مسلكه موافق آثار مع المصنویه
قبول اولنور. درج ایدیلمه یین یازیلار
اعاده اولونماز.

کتابخانه

۱۳۳۰ ۱۳۳۱ ۱۳۳۲

دینی، علمی، ادبی، سیاسی هفته لک مجموعه اسلامییه در

اخطارات

رساله مزردن آلتدیغی کوسترلک شرطیه
بتون یازیلار هر هانکی بر غزته طرفندن
اقتباس اولونه بیلیر.

§

مکتوبلرک، امضالرک واضح و اوقوناقلی
اولمسی و آبونه صره نومروسنی محتوی
بولونمسی؛

§

ممالك اجنبیه ایچون آبونه اولانلرک
آدرس لرینک فرانسزجه سی ده یازلمسی؛

§

پاره کوندردیکی زمان نه یه دائر اولدیغنک
واضحاً بیلدیرلمسی رجا اولنور.

بوراسی (طیفسون) نامیله اوروپا و ایران مؤرخلری طرفندن دخی یاد ایدلشدور .

بو ایوانی (کسری) نو شیروانک انشا ایلدیکنی بر چوق تاریخلر قید ایدیورسده ، بعض مؤرخین اثر مذکورک حضرت عیسا دن بش یوز سنه اول ایران شاهلری طرفندن وجوده کتیرلدیکنی بیان ائتمکده در .

فخر عالم افندمن (نو شیروان) زماننده دنیا به کلدیکی جهته بو عالی پادشاهک وجودیله افتخار ایدرک ، (ولدت فی زمن الملک العادل) بو یورمشلردور .

ونتیه ایران امرر عسکریه سی تنظیم وتنسیق ایدن نو شیروان ایرانی محقق بر انقراضدن قورتارمش و مملکتکی آتارشی به سوق ایدن مزده کیلری ده قتل عام ایتک صورتیله مفسد تلیته خاتمه چکده شدور . بوراسنک سلمان پاک تسمیه اولندیغنه کانهجه یته وقتیه حضرت حیدر کرار افندمنک زمان خلافتنده طرف عالیرندن (سلمان فارس) — که پیغه بر افندمن (سلمان منا اهل البیت) بو یورمق صورتیله کندیسسی مظهر تلطف و معجید بو یورمشلردور . — بوریه ، عرقه والی و عامل اوانی اوزره کوندرلمش و اول زمان نسق و فجور ، شقاوت و بغاوت خطه عراقیه بی باشدن باشه قایلام نیکن زمدت ظرفنده سلمان فارسى حضرتلری امنیت و آیشی ادامه ایدوب اشقیاله حدلری طانتدیرمشیدی . مشارالیه حضرتلری بو نقطه ده وفات ایتدیکی ایچون بو ایسی نامیله خلق طرفندن نوسیم ایدلشدور . حقیقه کندیسنک بوراده کی مزار عالیسی بالجه اهالی و عابرین طرفندن بر زیارتگاه آنخا اولمشدر . مشارالیهک زمان ولا بتنده ایسه بوراسنه (مداین) دخی اطلاق اولنیوردی . بورادن واپورمن حرکت ایدوب عزیزیه ، بقیله ، کوت ، شیخ سعد ، علی العربی قضا و نواحیلری اوکنده ، آرز توقف ایتدکن صوکره کیجه وقتی بزی عماریه کتیردی . بن ایسه هم عماره ی کوره بیلمک ، همده متصرفی منفا رفیق اولان حسن سیری بکی زیارت و سلاملامق ایچون قره به چیقدم .

عماره :

س . م . توفیق

آناطولی سبار مخبر محصور صحره :

دارالخلافة دن بروسه یه

۱۶ مایس ۳۲۹ پنجشنبه کونی صباحی ساعت اونده حرکت ایدن واپور بعدالزوال اوچده مدانیه اسکاه سنه بزی ایصال ایلدی . اوکون دکزک عصبی بر کونی ایدی ؛ مرمره پک لطیف اولان ایتساملرینی اوکون بزدن اسیرکده دی . بش ساعت اونک اختلاجلرینی سیر ایتمه یه ، قلبنک فورانلرینی دیکه مه یه مجبور اولدق . اسکاه یه چیقدیغ زمان او ، حالا بحر انلر ایچنده چالقایور ، قیورانیوردی . بن شیمدی آناطولینک رحیم و شفقتنار آغوش سا کتانه سنه قاووشمش ، ارتیق اونک پیزانس ساحللیرینه چاربان ، چارپدقجه قیریلان ، جریحه لانان قلبنی دیکه مه یه و قتم یوقندی .

آناطولی ... آه ، اونه قلب رحیم ! اونه مادر مشفق ! انسان او شفتنده کی صمیمیت و حرارتی انجق اونک نرمین قوللری آره سنده حس ایده بیلیر . او قدر مائیمه قاردشنک [۱] افول حزینندن متولد کدریله ، اوکسوز اکیله برابر یه ضبط حسیات ایدرک کولمک ایسته یور ، آغوش رفق ورقتنه صیغیان اولادلرینه انشراحلر ، امیدلر بخش ایتمه اوغرا . شیور . بو ، نه بویوکلک .. بو ، نه وفا کارلق در !

[۱] روم ایلمنک

مسرف قارداشی اونک النده کنی ، آووچنده کنی طوبایوب صداقتسنر ، وفاسر چوچقلرینه ، اونلرک نفاق و شقاق ایله ییقیلان آشیانلرینک ترصین و تزییننه بذل ایتدیکی حالده ، بوکون ینه اونک سقوطیله دلخون ، بوکون ینه اونک مائیمه تالم نمون در . قرداشنی دیب دیری مزاره کومن حییتسنر ، اخلاقسنر ، وفاسر ، صداقتسنر چوچقلرینه هیچ بر سرزنشده بولونمایه رق ینه اونلره روی قبول کوسترمک ، بلکه بر آرز فضلہ صفوت ، فضلہ عاطفتدر ؛ فقط شیمدی یوردلری پریشان اوله رق سوقاقده قالان بوملجاسنرلر ایچون سرزنش صرہ سی دکلدور . بوتون وطنلرینی اللریله ییقانلر ، ییققدقلری خانه پدرک انقاضیله یکی آشیان استقلال (۱) قورمغه چالیشانلر اوتانسون ! . . .

فقط بن قومسار تپانده اناطولی به نقل مأموریت ایدن وطنلرینی ییقان بو « ارکیشیلر » دن بر یولداشمزک یوزنده علامت حجاب کوره میوردم . ذاتاً کورمک ایچون آراشدیرمق ده ایسته میوردم . چونکه بو حسسزک پیش مفکرده مده بوتون او ماضی فحیی جانلاندیره حق ، بو محیط صافدهده بینمی آزه جک ، قلبی متأثر ایده جک ایدی . مرحبادن ، بر آرز قونوشدقدن صوکره باشمی پنجره یه چو یردم ؛ شیمدی نظرم بر خضارت باغیر ، باغچه لردن شطارتلر طوبایله رق محزون کوکله تسلیت نثار اولمق ایسته یوردی .

شطارت ... دیدم ؛ فقط او ، وطنی دوشون بر مسلمان ایچون نصیب اولورشی می ؟ بزی او زمردین بایرلر آره سنده اوچوران تره نی مسلمانلر یامش اولسه لردی ، بلکه بنم ده قلم بر حس افتخارله شاطر اوله بیلیردی . یوقسه کندی مملکتده اجنینک همیله یورومه یه مجبور اولورکن روح بدایع طبیعه دن ناصیل ذوقیاب اولور ؛ بر قاج ساعت صوکره کشیش طاغنک آتکنه صیغیان اسکی پاتختیمزه واصل اولدق ، بزمه برابر بر چوق روم ایلی هجرتزده لری ده تره دن ایندی . سلطان عثمانک روحی قارشومزده تجسم ایتش ، بر غضب بزه خطاب ایدیوردی :

— سز ، ای مسکین احفاد ! دهرک اک مدھش روزکارلریله صارصیلماز بنیان سلطنتمزی غجرداندیکیز . بزبورادن یوله چیقدیغمن زمان سزک بیکده ، یوز بیکده بریکز قدر بیله عددمز یوق ایدی . فقط قبلر مزده دین و وطن عشقندن باشقه برشی یربوله مازدی . سزک ایسه عددکوز میلیونره بالغ اولمش ایکن اخلاقسزلق ، نفاق و شقاق یوزندن چورچوب قدر اهیستکوز اولمادی . دشمنی پاتختیمزک تا قابوسنه قدر کتیردیکیز . باکر مرمره مزی دشمنک مردار آیاقلریله تلویث ایتدیکیز . یازقار اولسون سزک کی جانلی مزار طاشلرینه ! ... یازقار اولسون سزک کی غیرتسنر ، حییتسنر احفاده ! ...

هرکس باشنی اوکنه اکش ، هکبه سنی اوموزینه آلمش ، یوله روان اولمش ایدی . بنمده بوتویجه قارشو سویله جک سوزم ، کوستره جک یوزم یوق ایدی . یتش بیک کیشی بی آغوش هر مدیده سنه آلان قوجه پاتخت قدیم ! لطفکار ایتش ! یکی هجرتزده مسافرلری ده رد ایتده دی .

عمر فراد

روسه